

鍾肇鵬 選編

第二十二冊

續百子全書

全二十五冊

北京圖書館出版社



續百子全書

第二十二冊



第二十二冊目錄

物理小識（卷五至卷十二）	一
激書	四〇一
三略直解	六〇九
唐太宗李衛公問對	七五七
汜勝之書	八一五

物理小識卷五

宓山愚者智集

長白瓜爾佳氏嵩崑書農校刊

醫藥類

醫藥通類約幾○潛草曰至理不測因物則以徵之醫固一大物理之橐籥也喙者跂者核者柯者皆可以任督榮衛觀之皆可以好惡制化窮之形色精神臭味燥潤無非元氣陰陽之升降出入也無非五六十之運氣經絡也用在中節調其亢承類應之綱符幾不二盡其性者秩序變化在其中矣豈愁約則荒而博則混哉雌雄子母藥之倫也水土之抽爲草木其水母而土父乎動物之榮衛脂膏其水母而火父乎究論之六淫亦水火也七情亦水火

也其病也亢火與元氣不兩立停水亦與元氣不兩立其
交濟也水火即元氣也氣爲體水爲相火爲用不相離也
是皆可以參兩而通類研幾焉氣味最切而形色應之如
走氣味入血花實輕重各分陰陽而上下遂專升降金石
蔓幹各具形色而疏以質陽沈香凡有頭尾三停以分者歸防
神砂兼統升降竹茹走膜諸皮走皮腐藥波通同主於化
皆應表裏藤則象筋藕杉用節物體全具取其專長
腐變畜糞槩謂之通寒號食柏實物體全具取其專長
而遺已復自食其遺故通血分菴而專入巔腦其通類
含水草麻吸物秦艽以糾象絡石菖以清入心莖
具五味而功在酸收莖耳同獐菴而專入巔腦其通類
固犂然矣永叔曰船上驚病者刮舵牙汗末和丹砂茯神
飲之而愈蜈蚣螫者唾墨畫雞啄之止痛此亦以其神
情而通類也

何往非藥○藥知其故乃能用之反因約類盡變不難先
曾祖本菴公知醫具三才之故廷尉公中丞公皆畱心紀
驗不肖以智有窮理極物之癖閒嘗約之補瀉也對治從
治也寒熱溫涼而平統之五味歸於甘苦而淡統之皆概
也而好惡最微因地因時相制而變久習而轉皆有其端
聖人舉一二以通類特常人信不及耳日用如醬能制殺
醋能斂入麴豉發散酒醴活血燒酒行陽寒食飯能化癥
鍋焦健脾柴霜收火下行土能和物化物金石下鎮水火
其統用也矢溺皆妙垢浴養身椒熱下行薑獨發散鹽湯
能吐貧人得糯爲補飫後得茶卽清何待他求哉人信不
及反多一疑疑則又成一病古人驗症旣確直與之藥不

言其故而且先爲之說以平其神故效也學者明人身矣

知藥性矣驗症之寒熱虛實爲要初中後三法和取從折

屬之五治不可不知中德曰先高祖封御史諱學漸號本

先生精醫中通曰公因一也反因二也此方氏之易學真破天荒一切皆然即醫可以取證

上下分餘氣○兔絲寄生在木上分餘氣者兔絲同女蘿而色近赤蘿

則青也寄生不一而取桑寄生芝則隨地寄生不假種識茯苓茯苓爲松餘豕零爲楓餘

而分餘氣者也茯苓爲松餘豕零爲楓餘雷丸爲竹餘桓檀爲槩餘

物皆有任督關節○蟻螬背行先循乎督蝮蛸之用專依

乎任化爲玄蟬復循任會督如環無端可以悟蒸變矣龜

運任會督於顛鹿運督會任於尾閭海螵蛸上表堅薄如

介裏理輕脆而通蓋維持者督闔闢者任口以腹息以胎

矣草木之根皮節花亦任督也節則帶絡之關會也
用心骨核○石棗核濇精而今何去核沈括之說也麥冬
連心用方合土德全體王紹隆之說也枸杞根實神農通
用而後分之根乃去骨何所本乎蓮實去薏失聖胎種矣
此盧頤之說也潛草曰去骨心核者取其味粹存之者象
形取證也蘇恭曰枳實宜全核穰連理亭曰梔子連殼治
上焦若今連翹去仁用殼則不知何所本也連
翹入手足少陽陽明又肖心入心治耳聾陸麗京曰人心
虛草木心多實故天麥冬蓮子去心者以入心堅而不化
也

草之沙者屬金屬降○蒲黃如沙如黃金之不變是其專

精在黃

舌腫滲
之即消

石園菱之花上如沙曰海金沙主治石淋

因其如沙而消瘀通下也

赤箭芝○根爲天麻自內及外苗爲赤箭達上反下沈括惜世但以治風豈知其爲補益上品哉實如棟六稜至秋不落卻透空入莖中還筒而下潛生土內抱朴稱獨搖芝根有十二子環之乘雅附六芝中將謂別一物耶芝以雨霽雲徹而生不假種識故益五臟有中之無赤黑者交心腎之引藥也

番豆花透空入土結豆當通潤藏府是一類推法也皆貫無於有之藥

著蒿○茵陳艾蒿皆蒿類著以耆老末大於本故神明幽贊歸之一莖直上百歲滿百長丈義孔墓生神農本經云益氣充肌明目潘去然云孔林著六稜今藥不用著以用茵陳卽著也

反時生○秋冬生長夏至死是升出降入倒用者芥麥例

也羊躄千金子夏枯草皆然羊躄主禿瘡陰蝕千金子夏枯皆行水而夏枯入目珠治

應智在粵見有十字草冬青夏槁葉尖長四布如十字春

於葉中抽四枝結果三稜斷莖有白汁似澤漆貓兒睛綠

花而本草言五枝抽謂四分而兼中抽爲五乎最治蠱毒

記以俟攷嶺北亦處處有之

黃連燥梔子潤○皆苦寒而口乾渴宜炒梔溼痢宜黃連

蘘○參似人形力大白者切之須有金井玉欄土木參明

潤不白蓋上黨紫團之類乎近以泡參膠接小參殊自難

辨市上節參似小菖蒲而曲乃參蘆也蘆可湧吐虛人用以發散亦可同黃

芪萎藜江楚嶺北大山亦有三桎五葉生樹陰者其味淡

直莖紫而葉如青葙兩開者沙參也乘雅曰人參天地故

以名之

音驂

衛氣日行陽道則寤夜入五藏則寐凡病張惶

不能假寐者人參入口便得安寢急走銜參不喘此亦視

其人耳能回元氣於垂亡能理一切虛證氣虛者固宜血

虛亦不可缺無陽則陰無以生李言聞薛立齋詳矣醫宗

曰肺脈洪實火氣方逆血熱妄行不可驟用痧痧初發身

雖熱而斑點未形傷寒始作症未定而邪熱方熾勿誤投

也有時多用則宣通少用反壅滯

貧者聞貴藥則吝小醫利在行其所便故王海

藏王節齋之說適藉口耳

中履曰出參

之土木在古北口外非向宣府之土木也

甘草○存中辨景純藟大苦非甘草是也今重秦粉草正

以西邊風勁其根直深故其力厚劉客生言西寧鎮番甘

草最多葉似天竹但冬凋耳根鬚直下數丈外域成樹

黃連○本草貴宣連今黃山所產是也時重川連而南楚
辰播皆是愚在城步辰陽見人取之是雞爪類高守恆曰
邛州黃連長尺粗如筋或如小指雅闐巴皆小雞爪愚按
雲貴連皆無毛諸深山連皆有毛生溪石上葉似小芹而
冬不凋但其味更苦耳瀉心生用餘可吳萸薑製

大黃○川雅州大黃最大如盃錦紋而香陝西平涼大黃
有大如瓜者得此酒製上巔九蒸曬補硫製化積如神

黃精偏精○黃精似薑而一幹對分葉長尺許本草謂如

竹葉不肖也初苗名筆管菜其偏精卽萎蕤華陀告樊阿

之青黏也瀕湖極稱萎蕤功竝人參

神隱有萎蕤餌法二月九月採根形比黃

精葉狹而長表白裏青莖直如
箭幹有節三月開青花結圓實

附子○出彰明赤水苗三四尺葉似石龍芮及艾花紫碧
色冬至沃田豕糞種之明秋始茂其根生子如芋宋楊天
惠記詳矣近年各處種之隔年發葉似菊三年始生子蓋
烏頭沃種久之而大也灌以金汁其曰奚毒卽雀芋非此
種也雀芋之最大者海芋卽觀音蓮博物志交州俚子藥
箭卽曝雀芋根射人沸爛飲月水及糞汁時有瘡者射猪
狗無恙以食糞也潛山中以射虎中德曰乙酉張獻忠亂
蜀時附子至三四十金
一枚中通曰底平尖正者少皆刻木盒以鹽浸莢而安
木盒中印造之彭飛雲曰真彰明色灰秦產色白葉
廕生曰鞏昌皆種烏頭多年成附子平涼一帶四月入臘
入寺煮烏頭飯眾蓋煮一晝夜極熟則自無毒揭蓋加水
則不可食河北嘔
酒皆以烏頭爲麴

鍾乳○鍾乳孔公孽皆石精所凝而相謂補陽愚嘗疑之

兩粵最多黎美周曰性澁而凝精合陽藥走下部故方家用之服乳忌參朮謂木能動鍾乳也存中所載夏英公與其小吏利害相反然哉江鄰幾曰高敏之以鍾乳飼牛而飲其乳後患血痢卒以鍾乳太澁也

中履曰黎美周遂球廣州孝廉丙戌與楊

機部郭雲機萬吉人姚有僕同虔難有集行世

雄黃○楊億筆記楊岵依鄭玄黃塋五毒藥而愈頰瘍虞雍公以甘草服雄黃蒸餅丸而愈痢黃塋瓦合有蓋者范汪改爲飛黃散是也瓦盆中安雌黃南丹砂北慈石東曾青西白石英上爲礬石膏次之鍾乳居下雄黃覆之雲母布於底以盆蓋之羊毛固濟以陳葦燒一日取其飛黃用之夫雄黃治瘡殺蠱毒之上品也而入肝經氣分故能定

癰涎治瘡痢又能化血爲水凡赤者爲雄有臭黃以醋洗其臭者當辨之武都階州有水窟雄黃可充丹砂但研細色黃耳老父在蜀得蒜汁煉雄精成佩方置牀室卻病辟蛇鬼若以化物當與硝石同用

中德曰先祖中丞公筮仕在蜀

硫○淮南曰夏至硫黃澤蓋陽入地遇陰而成者舶硫如蜜黃中有金紅處擊開如水晶有光今青硫不佳也陸麗京云硫煖而利其性下行焰硝煖而散其性上行礞石寒而下消石煖而上劉薦叔曰今以消石化硫爲水以竹筒盛之埋馬糞中一月而合鉛霜十之一制度甚妙最化積聚專欲扶陽則埋一甕豆漿而以小罌盛礬硫松毛塞之令口向甕塗泥固之金粟火煨之滴下者精乃以猪臟同

煮孫公談圃曰三伏日餌硫黃百粒去臟腑穢滯以煖而速下也七寶丹治久患瀉痢宿食氣痛最驗白樂天曰退之服硫終一病訖不痊王讜唐語林曰韓愈病卒召羣僚曰吾不藥今將病死矣汝詳視吾手肢體無誑人云韓愈癩死也老人原可服硫死自天命倏然而去與硫何與而謗之黃山谷在宜州服紫霞丹自云得力曾紆勸其勿服山谷曰公等疽根在旁乃不可服如僕服之殆是晴雲之在川谷也

中德曰麗京乃陸鯤庭年伯之兄善醫劉薦叔年伯名中藻福安人

子之和而卻服硫揭子暄曰陽氣入地遇水則死爲硫升雲則爆爲雷乃生養萬物之原藥當以此爲第一種但須善製耳遇硫毒研釜底煤炮湯飲益煤爲火之宅猶以油餅收油也

龍腦○婆律木如杉而葉圓背白皮有甲錯葉廷珪則謂

千年杉鋸版取腦則與取樟腦法同矣唐天寶交趾貢龍腦如蠶蟬形宋史熙寧九年英州雷震一山樟樹盡枯中皆龍腦可信樹汁降香亦有取鍊者不必執一也今以梅花片食咽鎖喉者真韶州升樟腦似之切新樟片井水浸三日鍋煎柳攪汁減半柳有白霜卽沁入瓦盂經宿自成再合二皿濕紙封之文武火燂之半時取冷如此三四次卽冰片也或以杉木鋪之合諸藥封二盃入水半盞煨之水乾取開腦自升於上贊寧曰其赤色者曰父婆律凡諸力厚有汁之老樹遇大凍枯者皆有香皆可作片取腦升用松潘有娑羅樹化龍腦之事中通曰篩壁土與樟腦拌勻攤碗內振薄荷汁灑土上又以一碗合定濕紙條固其縫而蒸之少時樟腦飛上碗底皆成冰片